

A ANG MENSAHE NG DIOS (Apocalipsis 3:14-22):

❖ PAGESUSURI (vv. 14-17)

- Ang mensahe sa pitong iglesia ay nagpapakita ng kalagayan ng iglesia mula sa panahon ng mga apostol hanggang sa atin ngayon (Rev. 2-3). Sa pagtukoy sa ating panahon (Laodicea), ipinahayag ni Jesus ang sarili na “ang Amen [ang Katotohanan], ang tapat at totoong saksi” (Apoc. 3:14).
- Kung titingin tayo sa sarili, makikita natin ang **ating Katotohanan** : “Ako ay mayaman, at naging sagana, at hindi nakukulang” (Apoc. 3:17a).
- Ngunit nakikita ni Jesus **ang katotohanan**, ang ating reyalidad: “ikaw ang aba at maralita at dukha at bulag at hubad” (Apoc. 3:17b).
- Ngayon ang panahon na suriin ang ating sarili. Alam ko ba ang totoong meron ako, at ano pa ang kailangan ko? Gaano na kalago ang aking relasyon kay Jesus? Nagbabago ba ako sa ikabubuti?

❖ Solusyon (v. 18)

- Dahil ang pagiging komportable sa ating sitwasyon ay nagdudulot ng walang pakiramdam (pagkamaligamgam), pinayuhan tayo ni Jesus ng tatlong bagay:
 - (1) **Bumili ng dalisay na ginto.** Hindi tayo dapat makontento sa kalahating katotohanan o pakitangtao lang na pag-aaral ng Biblia. Ating iwaksi ang mga doktrina ng tao (tinsel) at mag-aral ng mas malalim sa Biblia upang maalim ang mga kasiraan (dumi) mula sa pag-unawa natin dito.
 - (2) **Bumili ng puting damit.** Tanggapin ang katuwiran ni Jesus bilang tanging daan sa kaligtasan. Ang pagpapakita ng sarili nating mabubuting mga gawain sa Dios ay pagpapakita na tayo ay hubad sa Kanyang harapan.
 - (3) **Bumili ng pampatak sa mata.** Tanggapin ang Banal na Espiritu. Tanging Siya ang makakapagbigay sa atin ng espirital na pag-unawa at magpapatotoo ng ating tunay na kalagayan (Juan 16:8).

❖ Resulta (vv. 19-20)

- May problema. Maayos ang pakiramdam ko sa espirital, ngunit nais ni Jesus na lumago ako. Gayunpaman, kung hindi ko alam ang pangangailangan ko na magbago, hindi ako magbabago. Ayokong bumili ng iniisip ko na meron na ako.
- Para malutas ito, may sariling paraan si Jesus: “Ang lahat kong iniibig, ay aking sinasaway at pinarurusahan”; dagdag pa Nya: “Magsisi” (Apoc. 3:19).
- Ang pagsaway at parusa ni Jesus ay hindi negatibo. Mas pinili Nya ang pag-uusap. Nais Nyang umupo ng tahimik kasama natin at makipag-usap... “Narito ako’y nakatayo sa pintuan at tumutuktok: kung ang sinoman ay duminig ng aking tinig at magbukas ng pinto, ako’y papasok sa kaniya, at hahapong kasalo niya, at siya’y kasalo ko” (Apoc. 3:20).
- Kumakatok si Jesus sa pinto ng ating puso at matiyagang naghihintay. Hindi Nya inaabala ang aking buhay upang pilitin akong magkaroon ng relasyon sa Kanya. Ang desisyong buksan ito ay sa akin.

❖ KASIYAHAN (vv. 21-22)

- Alam ni Jesus na ang daan ay hindi madali. Alam nya ang pagsisikap natin na bumili ng ginto, ng damit, at ng gamot sa mata. Alam Nya ang ating pagpupunyagi na matalo ang pagiging malahininga, buksan ang pintuan, at makipag-ugnayan sa Kanya. Kaya sinabi Nya sa atin: Magtatagumpay kayo, gaya ko naman na nagtagumpay (Apoc. 3:21).
- Alam din Nya na hindi tayo mauunang hahakbang. Palaging ang Dios ang nauunang gumawa.
 - (1) Nagpasya Syang likhain tayo (Gen. 2:7)
 - (2) Hinahanap Nya tayo kung tayo ay nagkakasala (Gen. 3:8-9)
 - (3) Ibinigay Nya ang Sarili upang maligtas tayo (Juan 3:16)
 - (4) Nais Nyang ibigay sa atin ang gantimpala: umupo kasama Nya, at masiyahan kasama Nya sa walanghanggan (Apoc. 3:21)
- Ang susi tungo sa banal na pag-uugali (na hindi tayo karapat-dapat) ay pag-ibig: “inibig kita ng walang hanggang pagibig” (Jeremias 31:3). Nais Nyang makipag-ugnayan sa atin. Nais ko rin bang makipag-ugnayan sa Kanya? Bubuksan ko ba ang aking puso sa Kanya at mamahalin Sya gaya ng pagmamahal Nya sa akin?

B PAGESUSURI SA REYALIDAD (Juan 15:1-11):

❖ ANG SANGA AT ANG PUNO

- Bago Sya namatay, ipinahayag ni Jesus na Siya “ang puno,” at ang Kanyang mga alagad “ang mga sanga.” Ano ang ibig Nyang sabihin nito?
- Maaaring mabuhay ang sanga ng saglit kahit hindi nakadugtong sa puno, ngunit sa huli ito ay malalanta. Upang hindi natin mawala nag buhay na walanghanggan, nakikiusap si Jesus sa atin: “Manatili sa Akin” (Juan 15:4). Sa labing-isang talata ng talinhaga na sinabi ni Jesus tungkol sa puno at sanga, ginamit Nya ng 10 beseang pandiwang “manatili”. Marahil ito ay napakahalaga.
- Ang pananatili kay Jesus ay panlaban sa pagkamalahininga ng mga taga-Laodicea. Dagdag pa dito, ito ay bukal ng kaligayahan (Juan 5:11). Ngunit paano tayo mananatili kay Jesus?
- Sa paggawa ng nakalulugod sa Kanya, ‘yon ay, sa pagtupad ng Kanyang mga utos (Juan 15:10). Ito ay mapagmahal na tugon sa pag-ibig na ipinakita sa atin ng Dios (1 Juan 4:19).

❖ ANG KATAS

- Sa taglamig, ang mga sanga ay nakadikit sa puno, ngunit hindi sila nagbubunga. Bakit? Dahil hindi sila tumatanggap ng katas.
- Tanging pagdating ng tagsibol nakakatanggap sila ng katas mula sa puno, at lumalabas ang mga supling (talbos). Ang salitang Griego na ginamit ni Juan ay maari ring tumukoy sa mga sanga na inalis at ibinalik sa puno.
- Kahit tayo ay malambot na mga talbos o putol na sanga, isa ang malinaw: kailangan natin ng katas ng puno. Saan natin maihahalintulad ang katas?
- Sa parehong talumpati (Juan 14-17), nagbigay si Jesus sa atin ng paliwanag: Ang Banal na Espiritu ang gumagawa sa atin upang mabigyan tayo ng buhay, kung gusto natin.
 - (1) Siya ang ating Mang-aaliw (Juan 14:16-17)
 - (2) Ipinahayag Nya si Jesus sa atin (Juan 15:26)
 - (3) Hinahatulan tayo sa ating mga kasalanan (Juan 16:8)
 - (4) Ginagabayan tayo sa buong katotohanan (Juan 16:13)